

Q. D. F. F. Q. E. J.

DISPUTATIO INAUGURALIS MEDICA,
DE
HYDROPE,

Quam,

INDULTU ATQUE AUTORITATE
Gratiosissimæ Facultatis Medicæ

In illustri

SERENISSIMORUM SAXONIÆ DUCUM
ACADEMIA SALANA,
PRÆSIDE

GEORGIO WOLFFGANGO
WEDELIO,

Med. Doct. Theoret. Professore Publico,
Archiatro, & S. R. I. Naturæ Curiosorum

Adjuncto, Facultatis p. t. Decano,

*Patrono, Præceptore, ac Hospite summo observantiæ
cultu ad cineres devenerando,*

PRO LICENTIA

Summos in arte Medicâ Honores, Insignia ac Privilegia
Doctoralia solenni ac legitimo modo capeffendi,
publico Philiatorum scrutinio submittit

CHRISTIANUS LUDOVICUS GÖCKELIUS,
GOTHANUS,

In Auditorio Majori,

Horis ante 5 pomeridianis consuetis,

Ad diem 7. Februar. Anno M DC LXXXV.

JENÆ, LITERIS KREBSIANIS.

Serenissimo Principi ac Domino,
DOMINO
FRIDERICO,
Duci Saxoniae, Juliae, Cliviae ac Montium,
Landgravio Thuringiae, Marchioni
Misniae, Principali Dignitate Comiti Hennebergiae,
Comiti Marcae & Ravensbergae, Dynastae in Ravenstein & Tonna,

Domino Suo Clementissimo,

Specimen hoc Inaugurale

humillimo pectore consecrat


Serenissimae Suae Celsitudinis

Subjectissimus

CHRISTIANUS LUDOVICUS GÖCKELIUS,



PROOEMIUM.

Umido vivimus, humido morimur. Magna differentia est inter humidum macrocosmi & microcosmi; illud commune est, & omnibus commodat, ut inde participant: hoc proprium, pro unoquoque regno aptatum.

Vita humidi ex motu cognoscitur, morbus & mors ex quiete. Quamdiu debito alveo decurrit unda, vivido motu undulat, & impressum in centro suo motum provolvendo & trudendo propagat. Simul extra sphæram abripitur, neque impenditur ad sublimiorem, vappescit & putrescit; idem in corpore videas.

Tàm necessarius corpori latex, quàm sanguis est, dependens licet: communi vitâ gaudet, motu communi & proprio. Duo sunt hi erronei microcosmi, abeunt à se invicem, opponuntur sibi, coeunt iterum. Divelluntur à se, ut redeant; redeunt, ut divellantur, reciproco & vitali motu.

Non uno verò modo in hoc vitali ambitu afficiuntur. Sufficiat nobis nunquam esse debere stationarios, ut sol & luna quoque nunquam observantur id pati. Stationarius redditur sanguis variis casibus: Stationaria lymphæ tùm aliàs, tùm potissimum in solenni morbo, quem, bono cum Deo, expositum imus!

4.
CAPUT I.

De acceptione nominis & de definitione rei.

Primâ statim fronte aquositatem præ se fert hydropis
NOMEN, origine Græcum, hinc in foro Latio civi-
tate donatum. Prædicatur enim latissimè de quovis
aqueo, unde & aliquando apud *Colum* notat serum
ipsum, seu aquam microcosmicam, v. g. l. 4. de morbo, c. 1. t. 1;
strictè & frequentius de morbo, ut hoc loco.

Sonat verò hydrops, quasi dicas, aqua oculis obvia,
sive faciem aquosam putemus, seu potius visûs objectum
in genere, humorem aquosum repræsentans, adeoque in
toto corpore & facie hujus externâ, tanquam speculo.

Idem Germani quasi ad verbum emphaticè reddunt
die Wassersucht / quod in aliis quoque affectibus oculis ob-
versantibus observant, v. g. in vocibus Schwindsucht / Gel-
besucht / Bleichsucht & similibus. Audit hinc etiam aqua in-
tercus, vel aqua inter cutem, ut spatium, quo contineatur,
pateat: ut minus Latinis usitata hyderon, hydropisin & bar-
baris hydropisiam, passim ab autoribus denominata, non
laudemus.

Quemadmodum verò plures sub hydropis nomine mi-
litant veluti species, ita nemo nobis vitio vertet, si secuti tum
alios quoque, tum rem ipsam, sub uno hoc genere reliqua
comprehendamus. Et tanto quidem magis, quod non unâ
corporis humani regione tumores aquosos offendamus. Ita-
que latior & generalior acceptio esse potest, ut hydrops dica-
tur omnis tumor hujus commatis congestus, strictè autem &
specialiter distingui potest hydrops in universalem & parti-
cularem. Inter *universalis* species κατ' ἐξοχήν, & ceu norma reli-
quorum, hydrops dici meretur, cum additamento *ascites*, di-
ctus ἀπὸ τῆς ἀσκῆς, ab utre, à cavitate scilicet & contento, quod
velut

velut in utre efformato aquas contineat abdomen. Et sic propriè hæc Germanorum est die Wöffer sucht.

Tympanites, altera species, duo notat inprimis vi vocis, partim cavitatem repletam magis vento, seu aëre, flatibus, sensu medico; partim expansionem majorem & velut sonoram, cum, si venter digito percutiatur, velut resonet; partim etiam, ad normam nominum in itis, calorem conjunctum, seu intemperiem calidam. *Hippocrates 4. aph. 11.* vocat *ἔνεον ὑδρωπικόν*, *hydropem* respectivè *siccum*. Commodè dici potest hydrops flatulentus, & Germanico idiomate fuerit hæc die Windsucht. Rectè tamen suam nomenclaturam & huc extendunt; contradictio enim in adjecto est dicere aquam siccam, nisi, quod res ipsa loquitur, cum humido flatu conjunctus concipiatur.

Anasarca demum limitat aquositatem ad certum locum, quæ propriè est aqua intercus, quatenus extimum corpus, seu totum, seu quoad maximam partem, quoad ejus poros adimplet. Audit hæc quoque leucophlegmatia, & Germanicè dici posset die wässerige Bleichsucht.

Dicimus tres has species universales, sed respectivè, eo nimirum sensu, quod tum in his viscera principaliora, quæ universæ machinæ humanæ præ cæteris velificantur, mandantis vicem ut plurimum gerant; tum quod potiorē corporis partem vel occupent, vel afficiant simul, nec unā in parte circumscribi se patiantur, sed universum magis petant, & in omnes dimensiones suum vertant regimen.

Particulares quoque dari hydropes extra dubium est, tuncque determinatam & individualement quasi accipiunt notionem, pro diversitate nempe partium & distinctione meliori, ut dicatur hinc hydrocephalus; hydrops thoracis, hydrocardia, hydrops pulmonum, uteri, scroti & ambitus reliqui extremorum. Addi verò debet, quod sæpe non tam causa variet, quàm pro partium saltim modulo habeant sua fata hæcce nomina.

Ideoque, ut hydropis penitiorē accessum sortiamur,

DEFINITIONEM sequentem ponimus: Hydrops est tumor corporis aquosus, in cavitatibus & poris, à congestione lymphæ p. n. extravasatæ dependens.

GENUS, seu rationem formalem explicat tumor, seu distensio partium & eminentia in longitudine, latitudine & profunditate, manifestò se prodens & in sensus incurrens.

Tumor est corporis hydrops non quidem naturalis, qui ordinariè in certis corporis regionibus ex necessitate à naturâ fabricatus est, uti protuberat aqualiculus, & in sequiori sexu fororiantur mammæ; Neque non-naturalis, ut excludatur obesitas ventricosa & gestatio uteri in gravidis, quæ sub specie hydropis, uti hic illorum quoque, non rarò ludit; Sed præternaturalis, excussio archei jugo exurgens atque rebellis, qui lento plerumque ast periculosissimo tramite incedit.

Constat abunde ex pathologiâ, quanta sit tumorum diversitas, nobis suffecerit hâc vice differentiæ loco nominasse aquosum, à causâ continente, seu materiâ tumoris, à subjecto, à modo etiam fiendi consequenter à reliquis distinctum.

Aquosus est, sicque à sero oriundus, quod materia magis frigidorum tumorum est, ut sanguis calidorum, inflammationum, abscessuum & aliorum, à quibus diversus est noster hic, quamvis secundario inflammationem ob salia acria non rarò adsciscat symptomaticam. Aquosus, unde frequentius mollis est, nonnunquam verò etiam durus respectivè & renitens. Aquosus denique à potiori denominatur, quo ipso tantum abest, ut excludamus reliqua substrata, ut pituitosum in anasarcâ & œdemate, flatuosum in tympanitide, ut potius hæc modum quasi dicant, & sub hoc genere comprehensa magis illustrentur. Aqua mater pituitæ est, quæ nil aliud notat, quàm serum, seu lympham in coagulum abeuntem & minus fluxilem. Aqua mater flatuum, quatenus rarefactionem subit, id quod mechanicè etiam demonstrari ad oculum potest. Adde, nec ana-

anasarcam, nec tympanitidem esse sola, sine aquâ, tanquam materiali morboſo præcipuo. Quia ergò in tumore radicalitur ratio hydropis, morbus est conformationis, tum quoad magnitudinem potiffimum, tum quoad cavitates ipſas & meatus.

CAPUT II. *De Subjecto.*

ANtequàm SUBJECTI clauſtra intimiora referemus, præmittere operæ pretium erit diſtinctionem inter *ſubjectum cauſa & morbi*, quæ benè ſunt notanda, ſi citra conſuſionem procedere animus eſt; aliud enim eſt *locus*, aliud *focus*, aliud *pars mandans*, *recipiens* aliud.

Porro luſtrandum, quodnam fit *ſubjectum principale*, quod *adequatum*. PRINCIPALE MORBI SUBJECTUM dici merentur cavitates & pori, in quibus fit hujus colluviei collectio. Utroſque conjungimus, ut majores & minores innuamus.

Dantur cavitates & meatus in noſtro corpore non unius generis, ut & in hoc naturæ artificium, hydraulico non abſimile; mirari non ſatis liceat, quando loca & cisternas undique ſibi formavit, ubi ſuperfluus & vitalis adhuc humor ad tempus aſſervari, & unde pro neceſſitatis exigentiâ depromi poſſit in ſtatu naturali. Afficiuntur cavitates & pori in hydrope, quæ quidem non repugnant ſuâ naturâ, nec magis in motu & activæ ſunt, quàm quietæ, quod exemplo cordis, ventriculi, pulmonum, veſicæ, renum clarum eſſe poteſt. In his enim cum congeri nequeat ita, ut ſtagnet præternaturaliter (prout hoc loco in aliis fit,) ibidem lymphæ, neque hydrope propriè laborant, vel affecta dici poſſunt.

Cavitates ſubjectum hydropis ſtatui poſſunt tum ordinariæ, tum extraordinariæ. Illæ, quæ ſ. n. jam extant, hæ, quæ efformantur, ſi pori non tam ampliuntur æqualiter,

ter, sed ita dilatentur, ut ichor inibi stagnans cavitates novas nanciscatur, exemplo hydatidum & aliorum. In ascite & tympanitide magis cavitates, in anasarca respectivè magis pori afficiuntur.

Ut magis hæc pateant, progredientes ad speciem notissimam Anatomicorum aliàs distinctionem jam nostram facimus, quâ discriminatur machina corporea in ventres & artus. In supremo ventre caput duplici cavitate conspicuum, tum extra cerebrum communi, quod est spatium inter cerebrum & calvariam, tum intra idem propriis, ventriculis. Hi nihil aliud sunt, quàm spatia, ex partium cerebri superiorum, inferiorum & lateralium, contiguitate suborta, lymphâ irrigata decenti quantitate. Iisdem se associant sinus, quos venosi generis, vel vasorum lymphaticorum potius, processus conniventes esse experimento evincitur. Ut taceam totam cerebri substantiam nil, nisi anfractus, positu suo & substantiâ glandulosâ formare, quos culter anatomicus peritè explicare novit.

Quod si jam lymphæ oras has suas transcendit in capite, gignit *hydrocephalum*, infantibus ac pueris familiarem, ob partium cerebri in his summam teneritudinem & futuras nondum ferruminatas.

In medio ventre solennis est cavitas communis thoracis, quæ ordinariè cordi & pulmonibus destinata est, ut hi ritè expandi & illud liberè moveri possit. Sin lymphæ in hanc fiat transfusio & stagnatio, horum actiones sufflaminari necesse est, & hydrops thoracis audit, ab empyemate distinctus.

Hinc pulmonum hydropem quando dicimus, ipso præeunte *Coo*, *ἀνόρις* paulò id fit; non enim intelliguntur cavitates cellulosæ seu spongiosæ adimpletæ, hoc enim ferinum malum & suffocativum, sed laudatum spatium, ubi pulmones eo casu velut in balneo undulant & premuntur.

Sic & cor thalamo suo gaudet & involucro singulari,
peri-

pericardio, in quo lymphæ decenter colligitur, & indubiè à glandulis & vasis propriis huc deducitur. Spatium nihilominus, seu cavitatem, inibi efflagitat secundum bonam partem vacuam, in quâ scintillationes suas pulsu emicante peragere possit. Stagnante eadem p. n. fit *hydrocardia*, seu hydrops cordis, adæquatè saltim, ut de pulmonibus diximus.

Infimus denique venter cavitare communi amplissimâ gaudet, ad plurium insignium viscerum contubernium. Hic verò omnium frequentissimè hos patitur manes, seu ob tantam viscerum congeriem, quorum modò hoc, modò illud labem suam eò derivat, seu ob situm, siquidem sentinæ instar se habet, in quam serum extra vascula stillans, exitu denegato, colligitur & in tumorem fatiscit, ut adeò hæc hydropis species sit instar omnium reliquorum. Eadem ratio est scroti, quod infimi ventris est veluti appendiculum externum, seu sacculus coriaceus, testibus hospitandis dicatus, quorum ipsæ quoque tunicæ aquam nonnunquam in se condunt. Adeoque hydrocele etiam huc spectat.

Neque tamen contenta in eodem viscera quoad cavitates proprias immunia esse possunt, quin quò major in viscere est humorum affluxus & vasorum scaturigo, lymphaticorum in specie, eò proximius huic morbo accedit, quin eidem conjungitur & originem largitur.

Ita visum est *hepar* non solum quoad substantiam suam tumidum fatis, sed in vesiculas etiam stagnans humor erupisse, hydatides vocatas, quarum disruptio autor sæpe morbi deprehensus fuit à Practicis. Mittimus *hepar* magnitudine insolitâ auctum mentiri nonnunquam hydropem, quem spurium hinc rectè nominat *Helmontius*, qualem præter ipsum & D. *Præses* observavit.

In *liene*, ex meris quoque cellulis concamerato & formato, parilis notata fuit turgescencia non unâ vice. Par ratio est *pancreatis*, *mesenterii*, *renum*, quorum structura non ablu-
dit, rarius tamen paulò extensam membranam lymphâ o-
stenderunt.

In fequiori sexu fiftit fefe *uterus* cum testibus & tubis fpectatus, cujus tumor hydropicus graviditatem ægris fæpè & medicis mentitus eft, (qualia exempla hinc & inde in obfervationum fasciculis proftant,) modò in ipfius uteri cavitate, modò in testibus, tubis, & ligamentis. Sic notavit *Schenckius* hydropem in testibus muliebribus ad capitis magnitudinem excurrentem. *Fernelius l. 6. pathol. c. 15. p. 557.* mentionem facit mulieris, quæ hydrope uteri laborans menfibus fingulis, ante eruptionem fanguinis, pelves fex vel octo aquæ citrinæ per uterum expurgavit. Et memoratu digna eft obfervatio *Ann. II. Dec. II. Ephemer. Germ. obferv. 95. p. 233.* confignata, hydropis in virgine per 15. annos durantis, cujus fedes poft apertum cadaver in dextrâ uteri tubâ deprehenfa fuit, tantâ aquæ copia repletâ, ut centum & duodecim libras æquaret. Simile exemplum notavit *Rolfincius epit. aff. partic. l. 3. c. 9. p. 231.* Vidit *D. Præfes* in hydropicâ fœminâ, à fcirrho hepatis, fimul ictericâ, poft mortem aquam per os, anum & inprimis per uterum copiofam effluxiffe.

Neque tamen abfolvi penitus poffunt ab hoc reatu *ventriculus & intestina*. Quamvis enim exitu gaudeant manifefto, ftagnare nihilominus & in iis poteft tum ferum, tum flatus, unde funt, qui tympanitidis fedem in intestinis locant, (hujus enim fedes in his cavitatibus magis eft, quàm in aliis, & poris ipsis,) unde mirum quantum extentâ non rarò vifa eadem. Satis eft fieri & in ventriculum reftagnationem, imò *μετέωρον* quandam ex reliquis cavitatibus, quod & de pulmone eatenus verum eft.

Præter cavitates feorfim etiam *poros*, veluti alterum fubjecti principalis membrum, affectos magis obfervamus in artubus, feu extremis.

Artus contiguo & continuo mufculorum & tendinum nexu ita firmati funt, ut nihil facilè citra penetrationem, dimensionum, feu folutionem continui admittant, poris nihilominus innumeris fcotent. Hi non folum tranfpirationi naturali & excretioni uliginum inferviunt, ut exterio-

teriores in glandulis subcutaneis exsculpti, qui in anasar-
câ magis patiuntur; sed & circulationi sanguinis & lym-
phæ, ut interiores, qui & in anasarcâ & ascite cumprimis
dilatantur, à sero onerati, seu quoad totum aliquando
corporis habitum, seu in partibus, manibus, pedibus, in
œdemate, quod velut anasarca particularis est.

Frequentissimè pedes sustinent hoc stigma hydropi-
cum, seu primi malum sentiant, revehi dubitante lymphâ &
scandere sic sursum, sensim hinc ascendente restagnatio-
ne & tumore in abdomen usque, seu ex hoc illuc per poros
carnium & cutaneos tranet. Facit huc illorum situs, si-
quidem serum à volatilitate desciscens motum gravium
æmulatur naturalem potius, quàm vitalem; remotior
item à fonte caloris status, & debilitas non tantum nativa,
sed & acquisita.

SUBJECTUM ADÆQUATUM constituunt partes,
quæ repletis cavitatibus & poris coextenduntur vel com-
primuntur, musculosæ, membranosæ, & fibrosæ inpri-
mis, harum enim auxilio pars tendi & contrahi se patitur;
& paries universi corporis, cutis. In has ultimæ redun-
dat malum, ut crescenti indies humori in quantitate, seu
mole, spatium amplius concedere cogantur.

Ex his in communissimâ hydropis specie ascite, &
paulò rariori tympanitide, eminet peritonæum, membra-
na interius abdomen cingens, nomen ab officio naçta, du-
ra ac tensa, muri instar & propugnaculi interiora muniens,
quæ tensio, cum fiat inprimis successivè, consentanea est
mechanicæ harum partium structuræ, unde rumpi minus
solet, vel potest. In anasarcâ integumenta cutanea non
minus ac musculi ipsi tensionem majorem experiuntur,
& seorsim in singulis pinguedo nativa quoque de tono
suo dejicitur, deposito lymphæ statu oleoso, & adscito
acri, acidoque, illum liquante & pessundante, ut aqua su-
peret sulphur & iners reddat. Eadem ratio est in reliquis,
ut in capite v. g. meninges, in thorace pleura, & in visce-

ris cujusvis diluvio proprio membrana domestica ac involucrum huic tensioni, viscera verò subjecta compressioni subjiciantur.

SUBJECTUM CAUSÆ pro diverso respectu & specie hydropis variat. In genere tamen viscera feri vitalis præparationi, depurationi, & deportationi inservientia id sustinent. Prioris nomine inculpanda sunt hypochondria, hepares, lien, mesenterium, pancreas, renes, intestina & quæ alia cavitati abdominis sunt contigua, ut illuc dimittere immediate, vel mediate lympham exundantem possint. Posterioris titulum merentur glandulæ infimi ventris & subcutaneæ, ipsaque ex his oriunda vasa lymphatica, præternaturam aperta & lympham undecunque dimittentia. Hæc autem symbolica lymphæ cribra ac alvei non saltem in extremis partibus, visceribus majoribus & κατ' ἐξοχὴν glandulosis, sed & in toto corporis tractu hinc & inde extant, ut humorem sanguinis focium seorsim variè dispensent.

Utrumque subjectum modò *per essentiam*, modò *per consensum* laborare, extra dubitationis aleam positum est. Illud fit, si in ipso lateat & radiceatur causa, seu scaturigo & velut fons mali; Hoc, quando aliunde derivatur & colligitur, seu ob canalium, seu ipsius quoque suo modo nervosi generis communionem.

CAPUT III.

De causis hydropis.

FRactâ semel glacie viam ulterius prosequimur, & cum latifundia hydropis perruperimus, investigandi sunt illius fontes & scaturigines. Executiendum itaque nunc est, tum quomodo hoc diluvium, seu inundatio microcosmi fiat, tum quibus veluti obstetricibus.

CAUSA IMMEDIATA & PROXIMA est congestio lymphæ extravasatæ, præternaturalis puta. Hæc enim posita

fitâ in cavitatibus & poris ponitur & constituitur hydrops; ascites, si lymphâ fuerit magis aquosa; tympanites, si magis halituosa; anasarca, si viscida magis hanc congestionem fubeat.

Enimverò si ductum naturæ spectemus, lymphaticus hic humor alveos suos habet cum sanguine divisos, in quibus non nisi justâ quantitate & qualitate undulare & totum corpus nimbo suo blandè irrigare debet. Hos limites egressus, naturæ onerosus fit & archei jugum rebellis excutit, peregrino indies charactere magis magisque sigillatus. Fieri extravasationem & quidem non ad extra, sed ad intra sensibus obvium est, modus autem rationi, & idcirco accuratiori trutinâ expendendus.

Commodius in hoc feremur, si tres extravasationum modos & species in proscenium ducamus, ἀναστόμωσιν, διαπύδνησιν & διάρρησιν, in scholis medicis pariter ac re ipsâ fundatas. Quemadmodum enim seu fluxionum, seu congestionum quoque aliquando, sanguinis extravasati hæ causæ sunt; ita eodem jure ac titulo idem præstant, nostro quidem judicio, in lymphâ. Utrobique est humor, utrobique vasa, è quibus excidit, dictis iisdem, non aliis, modis.

Αναστόμωσις, seu osculorum lymphaticorum vasorum referatio præternaturalis concipi potest, quando extremitates horum plus justo hiant, ut plus invehatur, quàm evehatur ex parte. Et sanè ἀναστόμωσις talis naturalissima videtur ad sensum in ore, quando lymphâ, saliva hîc audiens, (ut eadem aqua pro diversitate loci nomen sortitur, quod de fluminibus est notissimum,) copiosè secundum naturam exstillat continuo velut tramite. In nostro verò casu contingit v. g. tum ob copiam lymphæ & onerositatem, unde exitum affectat, velut *ναυστία* quâdam, tum vasorum tenacula imbecillia, ut de humoris à statu vitalitatis propriæ abeuntis culpâ nil dicamus. Id omne verò exemplo pedum optimè explicari potest, vasis lymphaticis in extremitatibus plus debito hiantibus & laxioribus reddi-

tis, quàm ut citra diffusionis & relapsus metum recipere possint & revehere lympham separatim.

Διαπίδνουν verò, quàm transfudationem vocant, lymphæ, concipere possumus in delicatioribus membranis ampliatis & expansis à transfudante p. n. lymphâ, v. g. in oculorum tunicâ adnatâ, cujus suffusionem hydropicam, undulante subtus pellucido sero, observavit *D. Præses*. Supponit eadem rarefactionem & motum vitiosum, porosque simul hiantes, & noviter etiam fabrefactos, quod optimè concipi potest experimento toto die in sudoribus visendo, solâ differentiâ, quod hic loci id fiat ad intra magis.

Διείρεσις denique frequentissima est, & in fissione non minus ac erosione vasorum atque pororum consistit, supponendo lympham salibus nimis saturatam, vel violentiam externam aliam.

Hiscæ statuminatis, facilè largimur, pro variante hinc hydropis statu, quod ad lectum patet, unum præ altero horum magis, vel minus, solitariè, vel conjunctim in causâ esse. Sufficiat nobis exposuisse hæc, ut amplitudinem causæ immediatæ illustremus sic & complectamur, facili hinc ad singula seorsim aptandâ explicatione.

Extravasationem hanc tensio partium, ut individuus comes, sequitur, & feri fit incarceration, indicio introitum invenire illud eumque præternaturalem, sed exitu destitui, consistens intra parietes illos, à quibus circumscribitur. Tantusque est tumor atque distensio, quantus humor collectus, vel conjuncti flatus, idque vel inæqualiter respectivè in prioribus duabus speciebus, vel æqualiter magis in anasarcâ.

CAUSA MEDIATA PROXIMIOR est circulatio lymphæ læsa, ut sic & indispositionem feri ipsius & alveorum complectamur. Ponemus verò ulterius, & vias in corpore humano & cavitates liberas esse oportere, omne verò fluidum gaudere motu, nulla stagna silentia & quieta dari, &
serum

serum ipsum vitalitatis suæ characterem ac vigorem à sanguine mutuari, ut plura huc facientia non laudemus.

Extravasationi ergò huic velificantur morbi alii duo cumprimis generales, intemperies & obstructions.

Intemperies humida cum sit in hydropem, humidum verò à regimine caloris dependeat, unde & qualitates passivæ, humidum & siccum, dicuntur, necessum est, ut ab ἀνεργσία caloris & sic archei regentis eam arcessamus.

Liceat nobis hoc loco hydropem alium frigidum, alium calidum statuere. Frigidum ab exsuperantiâ feri magis aquosum, & inertis, ab intemperie frigidâ; Calidum ab exsuperantiâ feri acrioris, ab intemperie calidâ. Utraque datur species, utraque causa, quamvis & media visatur, sensim acrimoniam majorem concipiente lymphâ.

Quandocunque itaque depauperatur sanguis, ejusque particulæ balsamicæ biliosæ, serum increfcit & ad exundationes disponitur. Faciunt huc depletiones nimix, seu manifestò & ἀδεγως factæ, seu sensim, unde symbolum addunt omnes hæmorrhagiæ nimix, à quacunque causâ inductæ, narium v.g. vomitus cruentus, hæmoptysis, immodicus mensium fluxus, dysenteria, & quæ injuriâ externâ quandoque contingere solet, per vulnera, vel venæsectiones repetitas, largior sanguinis profusio. Hoc enim nectare & vitæ thesauro deperdito intemperiem totius & partium frigidam insequi necesse est, quæ sæcunda cruditatum & morborum, inprimis hujus, genitrix est.

Par ratio est lentæ corporis & virium exhaustionis per febres tum continuas, tum intermittentes, inprimis quartanas, per diarrhæas longiores, purgantia crebrius adhibita, maximè cholagoga, phthifin, hæcticam. His omnibus sæpissimè supervenire hydropem testis est experientia. Dejecto quippe viscerum tono nec genuina distributio succi nutritii, nec appositio debita consequi potest, hinc vel citius elabitur vasa, vel poris moleste innatat,

Quandocunque verò ita accumulantiur bilioſæ, ut exa-
cuentur & ipſæ, & inde quoque lymphæ, ut acrimoniam e-
rodentem concipiant, vaſa lymphatica non minus inde ob-
literari, occludi, & utroque modo, vel tenſione, vel eroſione,
dirumpi hic illic, & ſic deviare in cavitates contenta lym-
pha ſolet. Quo uno dato inconvenienti plura inſequuntur
preſſo pede, & ſanguis ipſe quoque diluitur, ichoreſcit &
producendo diluvio huic velificatur.

Obſtructiones viſcerum pariunt hydropem, & ſerum, ejus
cauſam materialem & continentem, reddunt hydropicum
frequentiffimè, inprimis glanduloſorum, v. g. hepatis, lie-
nis, meſenterii, pancreatis, uteri, renum & ſimilium.

Non mirandum hinc eſt, hepar velut πῶτον δεκτικόν
hydropis & veluti ſedem habitum à veteribus. Id enim,
quomodo concurrat, non tam ex αἱματώσιν, olim ipſi ad-
ſcriptâ, æſtimandum, quàm ex aliis recentiorum inventis.
Eſt hepar ex acinis glandoſis confertum, plurimis gaudens
rivis vaſorum lymphaticorum, bilis colatorium, vaſorum,
aliis omnibus partibus contra, plurium receptaculum, hy-
datidibus præprimis obnoxium; quæ omnia hydropis γέ-
νεσιν non parum illuſtrant, ſi ex hepate derivetur.

Neque æſtimandum eſt eo caſu ſolum ex conſtipatio-
ne, ſcirrho maximè attendendo, & ſimilibus, quod hæc
ſint ſolum morboſa. Culpa etiam hæret sæpe penes ipſum,
rubello quamvis colore parenchyma ſic ſatis integrum poſt
mortem occurrat. Vidit *D. Prefes* eo caſu aliquando in diſ-
ſecto à ſe hydropico hepar cæteroqui floridum & ad ſen-
ſum benè habens, ſed penitus exangue, cum bile quaſi flam-
meâ & ſpiſſiori.

Sufficiat, hoc viſcus plurimum ad hydropem conferre,
unde & icterici sæpenumerò apparent hydropici confirma-
ti, nec excludendos verò eſſe ejusdem in depurando ſan-
guine focios. Hinc hypochondriaci, ſcorbutici & alii ob-
ſtructionibus & tartaro cœnoſo fœti ſæpiſſimè excludere hy-
dropem ſolent. Eadem ratio eſt lymphæ viſcidæ, coagula-
bilis,

bilis, tartareæ, quæ obstructions & non rarò etiam calculosum magma progignit.

Imò dudum quoque ab ipso cerebro *ῥόον* seu *fluxionem* talem fieri *Cous* asseruit, l. de loc. in hom. c. 18. t. 9. quod non aliâ ratione locum habet, quàm si vel deviet serum ob obstructions, denegatâ ordinariâ ad extrâ transitione, vel ob ἀνεγοίαν spirituum animalium commercio exuatur, nec ordinem amplius teneat suum, hinc in cavitates & poros congerendum facile. Neque enim in hisce vel extremis recipere novit suam temperiem, quin intemperatius, seu ἀνεγρον stagnat, & stagnando intemperatius redditur magis.

Ex his scilicet principiis enascuntur elementa hydro-
pis, aqua & sal, moderationis leges transgressa, qualitate vitali sensim exutâ, ad motum aptitudine deficiente, unde varia *Φαινόμενα* concinnius enucleari queunt.

His positis facile liquet, quomodo ex reliquorum classe huc faciant, quæ CAUSÆ REMOTIORES quidem dicuntur, ad proximiores verò aditum sternunt.

Confert huc præviâ suâ dispositione TEMPERAMENTUM FRIGIDUM & HUMIDUM, in quo abundant & facile augeri onerosæque reddi queunt particulæ ferosæ; unde senes, humiditate nativâ acetosâ magis redditâ, præ aliis hydropem patiuntur. Per accidens verò etiam temperamentum calidum & siccum.

AER FRIGIDUS & AUTUMNALIS transpirationi non minus, quàm inspirationi valdè inimicus est, quibus interruptis excrementitia lymphæ cumulat magis.

De CIBO & POTU idem affirmare licebit, quin solus sæpè victus in causâ est, quatenus vel plus ingeritur mole, quàm ut digeri possit aut didi in corporis nutrimentum; vel qualitate vitiosâ, viscidâ, feculentâ nullum fermentationi aditum concedit, ut iusta *Μείγματος* institui nequeat; vel fermentum ventriculi pessundat potius. Exemplo satis evidenti id probant heluones & tabacibibuli, qui per quod peccant, per idem puniuntur & iidem, ultimum hinc poculo-

rum & ingluviei præmium, hydropem, sæpius reportantes, ut & qui spiritus vini potu delectantur ordinariè, emoriente hinc fenfim appetitu, lassato corpore, & lymphâ de vigore debito dejectâ.

Meminimus observatum ab *Excell. Dn. D. Fascio*, ancillam ex esu panis recentis, haustâ defuper frigidâ, tumorem ventris contraxisse, ita, ut graviditatis hinc suspecta carceri inclusa fuerit, donec præter omnium opinionem eventus doceret contrarium, brevi enim post umbilico sponte aperto ingens aquæ profluvium suspicionem & morbum solvisse.

Et sic quoque hinc inde legere est observationes, quomodo ex erroribus diætæ aliis, à jejuniis quoque, quiete & vitâ sedentariâ, lucubrationibus, animi affectibus, irâ, excretis deficientibus, alvi v. g. mensium, hæmorrhoidum, sudoris ipsius & aliorum, vel excedentibus hydrops fuerit enatus, quæ largius huc congerere nostri instituti jam non est.

RES PRÆTERNATURALES jam nominavimus abundè, quorsum & luxatio femoris & inde motus sufflaminatus aliquando confert; cachexia item in utroque sexu, maxime scorbutica, in virginibus *χλωρώσις*, præco hydropis & prodromus. Podagra etiam, si serum phlegmaticum, vel acre in M. S. regurgitet, peregrino caractere inducto, ut subjugatis particulis sulphureis blandis multum à bonitate suâ desciscat, & consequenter obstructions viscerum pariat, frequenter admodum in hydropem extuberat. Causas alias occasionales plures, quibus depingendis vix pagina sufficeret, facile ex jam dictis metiri licet.

CAPUT IV.

De Differentiis.

DIFFERENTIAS non minimum illustrabunt superius jam tacta. Ratione GENERIS nempe hydrops alius est *totalis*, ubi, nullâ quasi exemptâ parte exteriori, universa-

le magis visitur diluvium; alius *particularis*, qui partem hanc illam solitarie affligit.

Deinde alius est *simplex*, ut ascites solus, anasarca sola; alius *complicatus*, ut quando ascites cum anasarca, ascites cum tympanitide, vel vice versâ connubium facit. Alius, velut ab oriente fluens, *ἀπὸ τοῦ ὀρίαντι* incipiens ad omnes hinc dimensiones exporrigitur, alius ab occidente *ἀπὸ τοῦ δύαντι* & à pedibus scaturiens versus superiora assurgens. Alius desubito, alius gradatim accedens; Alius sibi relictus, alius diversis symptomatibus comitatus. Sic & recens alius observatur & visceribus adhuc integris; alius confirmatus & cum notabili viscerum corruptelâ; alius etiam mollis & tactui cedens, alius durus, rigidus,ensus, quæ pleraque sparsim jam tetigimus.

RATIONE SUBJECTI, in alio hoc, in alio illud viscus magis affectum est, unum vel plura. In alio est dispositio essentialis & causa radicata, in alio consensualis; in alio à facultate læsâ, in alio ab errore externo dependens. Hæc enim omnia probè attendamus oportet, cum & modum dicant morbi & typum, curam verò exposcant dein non unius generis.

Pro CAUSARUM aliarum modulo in tot abit differentias, quot harum propullulantes surculi altas sibi in corpore figunt radices, quæ tamen ex suis signis facillè patefcunt.

CAPUT V.

De Signis Diagnosticis & Prognosticis.

HYdropis SIGNA ex iis sunt, quæ in sensus incurrunt, oculis, auribus & tactui obviis *φανόμενα*.

IMMINENTEM patefaciunt minori gradu apparentia, quæ confirmatum notant. Rarius enim paulò *ἄθροως καὶ βιαίως* simul ac semel incidit, cuius tamen exempla visa

sunt; sed pedetentim ferè subrepat. Instar omnium sit cachexia simplex, vel scorbutica, & quæ hanc comitantur alia vel producant, & tumor pedum, appetitus prostratus, febres diurnæ, quartana v.g., prægressæ, urina cruda, pauca, aquosa & tenuis, corpus inæqualiter tumens, lassitudo, respiratio difficilis ad ascensum scalarum vel motum alium.

ESSENTIALITER INHÆRENS præsentis est tumor abdominis, distinctus ab obesitate, à graviditate, ab inflatione simplici post partum & similibus; tumor item scroti, pedum, & procedens in corpore reliquo. Variat enim hic tumor ratione *locorum*, prout vasa lymphatica infra cor vel hepar posita, vel extima etiam superiora magis labefactata sunt. Hinc modò pedes non æquè simul tument, modò magis. Par ratio est scroti & umbilici ipsius. Non verò facile pro hydrope habetur, confirmato saltem, si tumor nullus est circa abdomen, quod & de ipsâ anasarcâ valet, quæ, nisi circa glandulas cutaneas magis sit *scans*, ubi univèrsum corpus occupat, eodem climate ac ascites contenta est.

Variat ratione *qualitatis*, modò mollis est, & œdematosus digiti impressi vestigium fervans, constans tamen magis, quàm vagus; modò durus, ut diximus, quod tum in pedibus verum est, tum aliis quoque partibus. Considerato verò loco & qualitate tumoris distinctio etiam fieri potest, utrum sola aqua, an flatus, an viscedo conjuncta magis; in ascite & anasarcâ extensivè, in tympanitide intensivè major est.

Variat ratio *quantitatis*, prout major, vel minor copia aquæ, vel flatuum intus reconditur. Ea tamen extuberantia demum est hydropica, quæ & naturalem uniuscujusque subjecti excedit dimensionem, & à contentis p. n. fovetur.

Hinc ESSENTIALITER CONSEQUENTIA, idem confirmantia, varia sunt in symptomatibus omnis generis. Læduntur actiones cumprimis naturales, salvis sic satis respectivè reliquis. Appetitus quidem ciborum dejicitur, si-
tis

tis increfcit, minus tamen in anafarcâ & ubi falis copiam excedit diluens aqua, adeoque non omni in hydrope æquè urget fitis. Pulsus mollis & frequens eft, respiratio difficilis, sub initium inprimis & finem morbi gravioris, ut & tuffis negotium faceffunt.

Pedes graves funt, & ambulandi difficultas, cum laffitudine & *δυσσέσησι* junctâ. Alvus obftructa magis, quàm laxa, feces alvi non rarò albidæ, tincturâ debitâ biliofâ carentes. Urina aquofa in frigido, & initio, rubra in calido & confummatâ, cum copiofo fedimento, biliofo, tartareo, lateritio. Exaudiuntur borborygmi & fluctuationes in inteftinis. Superiores partes flaccefcunt & exarent, inferiores à fcróbiculo cordis excrefcunt, ita, ut fæpè etiam exudet per cuticulam ichor in pedibus aquofus, vel lixiviofus. Oculorum color aliquid icterici præ fe fert, & quæ alia huc fpectant.

Solenne quoque eft hydropicis mafculis, penem retrahi & incurvari retrò, vel veficulâ cryftallinâ pellucidâ affici; in fœminis prominentia uteri ejus loco accidit aliquando.

Idem ftabiliunt **Causæ** prægreffæ, ex fuperioribus notæ, & **SIMILITUDO**.

SUBJECTI figna quod concernit, morbi quidem vel fenfibus patent, vel eruenda funt ab adjunctis circumftantiis, affecti v. g. uteri, hepatis &c. Flatuum figna tympaniticum ftatum arguunt magis; circa extimum corpus confiftens œdema anafarcam. Eft enim nihil aliud, quàm œdema univerfale, vel amplioribus terminis diffufum. In afcite venæ liventes abdomen pingunt magis. Sic v. g. fcrotum magis pellucidum aquofitatem notat, œdematofum anafarcam & humorem vifcidum. Idem tenendum de flatibus.

SUBJECTI fœventis feu caufarum figna ex loco & aliis patefunt, five dolores hypochondrii alterutrius, five hæmorrhagia narium, obftructionum index, pro laterali convenientiâ ftillans vel ex dextrâ, fi hepar, vel finiftrâ are, fi lien magis affectus; five alia ex propriis fontibus petenda adfint.

PROGNOSIN EVENTUS, seu SALUTIS & MORTIS in hydropē optimè omnium consignavit *Cous*, ita, ut vel sola illa sufficere possint, l. 2. *prædict. c. XI. per tot. & Coac prænot. t. 275. seqq.* Ex quo illud axioma potissimum saltem delibabimus, à quo omnia pendent reliqua: *ἤδη δὲ, inquit, τὸν ὑπὸ τῆς ὕδρωπιδος ἐχόμενον ἢ μέλλοντα πρὸς ἐσθλὰ εὐπλάγχθον εἶναι. Eum, qui ab hydropē correptus superstes esse voluerit, bonis visceribus præditum esse oportet.* Gravissimus est affectus & vitæ insidians, ex genere ἐνδοιασῶν, qui frequentius ad mortem tendunt, ut & inter medicorum scandala relatus sit.

Εὐπλάγχθια illa optimè elucet ex actionibus, quibus præfunt viscera, infimi cum primis ventris, facultatis naturalis præfides, si ventriculus benè ad oblata habeat, si venter & hypochondria mollia, si urina sufficienti quantitate reddatur, respiratio sit liberior, anxietas minor, ambulandi potentia libera, habitus corporis udus magis quàm squalidus, & contrà. Præstat urina aquosa, quàm rubra. Recens facilius curatur, confirmatus difficilius. Durus tumor molli pejor est. Vagus & decrescens potior constante & incrementum indies fumente. Pulsus magnus & tardus facultatem robustam notat, frequens heceticum quid redolet, & infidum.

Ex his aliisque an evasurus sit æger, nec ne, colligere licet. Adde, prout ipse sæpe se gerit. Narratur historia prædictionis de hydropico, medico uno salutem, altero mortem prænunciante, quæ & consecuta fuit, & utroque quidem rectè ex suâ hypothesi; ille enim respexerat *εὐπλάγχθια* & gradum morbi minorem, hic ægri immoderationem.

Remotior à naturali status malum indicium est mortis, certò infecutura. Sic & hydrops in juvene sæpe periculosior, quàm in senectute viridi. Quò magis calor depauperatus, eò minor spes. Idem de singulis speciebus valet, periculosior verò est tympanites ascite, & utroque ferè anasarca ut plurimum. Fluxilior enim humor citius removeri, quàm visci-

viscidus, citius quàm flatus & conjuncta intemperies corrigi potest.

Hydrops calidus difficilior curatu, quàm frigidus. A gravioribus morbis prægressis oriundus, periculosior, ob vires naturæ dejectas, cæteris tamen paribus, unde *Hippocrates* omnem hydropem ex acuto morbo malum pronunciat; non enim, *addit*, ille sedat febrem, sed dolorem infert ac mortem. Pejor etiam, ubi salium major abundantia, quàm ubi defunt; pejor, qui à facultate læsâ, quàm qui ab errore externo. A scirrho dependens desperatus est.

Reliqua quoque ex his judicanda, ut diarrhœa, tussis, & alia, prout *εὐφρόως* contingunt, aut aliunde saltim, vel minus. Convulsiones supervenientes lethales. Recidivus *ἀνέλπιστος*, desperatus est, teste *Coo. l. c.*

TEMPUS EVENTUS hydropis omnis longum est, & tædiosum, sibi relicto morbo. Nec statim liberantur ægri, qui evasuri sunt, nec statim moriuntur, quibus spes nulla superest. Produci frequentius solet, si tempus assignare licet, ad menses sex circiter; quandoque verò ad annos differtur, si imminenti obviam eatur, nec possessionis jus, ut ita loquamur, conceditur. Frequentius solent morte defungi ægri tempore verno, aut autumnali adulto, cum folia induunt arbores, & cum exunt. Confirmatum verò morbum communiter illum habent practici, qui per duos menses duravit.

MODUS EVENTUS ad salutem fit depletionem paulatinâ, per vias feri motui convenientes, alvum, urinam & sudorem, ut & *ἀθροὺν ἀγαπνοήν*. Pessima verò est *μετάστασις* ad ventriculum, qualem cum marasmo succedente annotavit *D. Praeses*. Media ad alvum.

Non rarò in phthisin & marasum degenerat. Sæpè apoplexia & catarrhi suffocativi superveniunt; aliàs lento ut plurimum gradu vitæ filum abrumpit. Ascitici ferè suffocatione magis, reliqui etiam resolutione mortem oppetunt.

CAPUT VI.

De Curatione.

IN debellando hydropē vix feliciter sine **METHODO MEDENDI**, ceu pyxide nauticā, vela ventis dabimus.

EX INDICATIONE CURATORIA auferendus est tumor, stagnans aqua evacuanda & dissipanda. **EX PÆSERVATORIA** *δυσχεγεία* viscerum & obstructions corrigendæ. **EX VITALI** tonus & viscerum & totius servandus.

Quando ergo consulimus **CHIRURGIAM**, **VENÆSECTIO** ordinariè nullum hîc invenit locum; neque enim humori peccanti ullo modo proportionatum est remedium, quin laudabilem sanguinem & jamdum deficientem simul educeret, & flammulam vitalem pabulo suo defraudaret.

Seri à sanguine separati, & in cavitatibus ac poris præternaturaliter collecti, ratio habenda est præcipua. Et hoc quidem valet de omni hydropē confirmato, hinc & ascite seorsim, & tympanitide. Quod vero *Pergāmenus* in anasarcā **Venæsectionem** suadet, id nec ipsum locum habet, ut in aliis quoque, nisi indirectè, in mensium obstructione vel hæmorrhoidum conjunctā, quando in massam reliquam fit regurgitatio, deturpatio, indeque tumor.

Vicariæ V. S. CUCURBITULÆ partim **SICCÆ**, partim cum **SCARIFICATIONE** opem ferunt, quatenus illæ dissipant, hæ educunt serum. Neque id tamen promiscuè, sed magis in initio, materiā aquosā magis, quàm salinā, lixiviosā, partibus, v. g. pedibus, non nimis de tono suo dejectis, nec molli, nec duro nimis statu, in adfuetis, ubi intermissa fuit hæc evacuatio prius celebrata, & quando nihil prohibet. Ita enim quandoque scarificatio, per vices adhibita, eductā *εὐφώγας* aquā onerosā, ipsum hydropem antevertit.

VESICATORIA minorum sunt virium, quàm ut deplere aquam possint, præsertim ex abdomine; sed potius doloribus & læsione, quam partibus jamdum debilibus inducunt, molesta, adeoque rarò, vel non omninò adhibenda, quin faciliè inflammationem progignunt graviolem. Locum horum tuentur leniori acrimoniâ gaudentiâ, ut sedum minus plantis pedum applicatum, quod insigne est *εὐπρόσ- 50v.*

CAUTERIA quamvis propius curæ accedere videantur; ob modum tamen evacuandi & sequentes inflammationes suspecta esse debent, cum ulcera in hydrope faciliè degenerent. Hinc **FONTICULI** curandi sine minus præstant, quamvis præservandi non parum profint, cautè applicandi. Ulcera hydropicorum non solum sunt *δυσίατα*, sed & ob lympham salibus acido-acribus porosque findentibus imprægnatam gangrænam faciliè inducere possunt, quod & eo casu sæpe fit & præcavendum est, quando tranat poros & stillat ex pedibus falsior.

FRICTIONES locum habent in partibus extremis tumidis, in leucophlegmatiâ & ascite, semel vel bis de die, seu manu mediante, seu pannis delicatioribus institutæ, ut pori sic perspirabiles reddantur, & diffletur ichor.

Decantatissimum remedium est **PARACENTESIS**, seu punctura & perterebratio partium aquâ extensarum, ut ex cavitate, velut dolio quodam, depromi & educi queat. Duplici hæc loco institui potest potissimum, in abdomine & scroto, ut hydropem pectoris non memoremus, ubi & in thorace commendatur. Quæ circa illam cavenda sint quoad acum, hodie canali ipso compendiosè constantem, quoad locum specialem, ne lineam nerveam lædamus, & ipsam *ὑψηλὴν*, hæc vice omittimus, quod apud Chirurgos, *Barbettam*, *Sculdetum* & alios id explicetur latius.

Ast abdominis illa punctio rarius paulò observata est profuisse, sæpius verò accelerasse morbi cum vitâ exitum, ichore purulento faciliè subsequente, etiam omnibus probè
D obser-

observatis. In iis autem, quibus forte profuerit, dubitari potest, an evaserint ope medicaminum correctâ lymphâ ac obturato fonte, an ab hoc præsidio. Quicquid horum sit, si ægro & morbo urgente instituenda fuerit, sequendæ sunt regulæ Hippocraticæ, faciendo id maturè, nec unâ vice deplenda aqua extravasata, quicquid in contrarium cum *Eustachio Rhudio* quidam asserant.

Magis locum habet, ut omnis quoque hydropis ad extra depletio, in feri statu aquoso, quàm falso nimis, aut viscido. Imò quandoque natura ipsa sibi quærit vias & ligamentis umbilici referatis, eoque in vesiculam extuberante, evacuationem hanc instituit cum successu, quo casu monentem sequi licet; quam in rem videri merentur *A. Laurentius hist. anat. p. 418.* & in indice, *Gabrolus*, alii.

Paracentesis in scroto ratio eadem est quoad plerasque laudatas cautelas. Tutior hæc & usitatio in ascitico statu, etiam si gangræna ipsa succedat à corrosivo humore, succrescente super nudatos testes scroto, quod *Rolfincius Epit. Aff. l. 3. c. 9. p. 235.* & *D. Praeses* vidit.

Referri huc meretur, quod aliquando à facto vulnuscule pedum, aliquando *ἐν ωρεγαγέτωι* benè cesserit adaperitio, quale exemplum refert *Riverius in obs. p. 676.* quod mulieres quædam hydropicæ curatæ fuerint per abscissionem unguium in pedibus, simul portiunculâ carnis detractâ, effluente h. m. aquâ, & ægris sanatis. Neque id tamen imitandum temerè, sed subiectum, causa, naturæ conatus, humoris qualitas, aliaque consideranda, ad id semper magis directâ curâ, ut proventus novi affluxus præcaveatur, nec palliatiivâ saltim curâ conemur opem ferre.

Locum etiam habent aliquando **LIGATURÆ**, non tam stringentes, inæquales, noxiæ potius, sed æquales & roborantes, fasciam latam pedi tumenti sursum circumvolvendo, ut sic lymphæ discat magis sursum adigi, & calor roboretur simul magis.

Ad **PHARMACIÆ** armamentarium progressi, quæ
mor-

morbo opponi queant ex oculis hujus lustrabimus. Rationem feri congesti, quantitate, motu locali & qualitate peccantis, educendi habent præsidia universalia, & ex his

LENIENTIA. Hæc ad glandulas intestinales revocant averfam lympham & illuc eliquant, fermenta intestino-
rum restituunt, archeum officii admonent, bilis inertiam & obstructions primarum viarum referant, flatibusque exitum naturalem commonstrant. Talia esse queunt detergentia & stimulantia salina appropriata, ut *crem. & crystalli Fri,*
Frus Olatus f. & compositus, anima rhabarb. & senn. giata, pilule aloetice, Francofurtenses, Glassiane, aloe rosata, violata, cum scammon.
etc, extr. panchym. & aliis acuata, pil. Fæa Sröderi, Bont. Quercet. electuar. lenitiv. catholic. pulp. cassie, tamarindorum.

Locari huc merentur clysteres ex lenientibus, carminativis & purgantibus fabricandi, item infusa aperientia & blanda purgantia simul, æte præsertim & clave ejus **Pro**
jectis.

Gradu eminentiori idem exequuntur **PURGANTIA** fortiora, & inter hæc hydragoga. Visi sunt ægri multoties cum *in Oeja* his usi, & morbum sic exturbatum experientia docuit, neque id absque ratione. Utut enim videatur receptio ex cavitate abdominis in intestina difficilis, natura tamen per poros sibi vias novit parare, qui in vivis undique sunt infiniti. Et sanè hic modus deplendi aquam est convenientissimus, fuso sic sero & in motum citato, disjecto coagulo, attenuatis flatibus, citatâ simul *digestæ.*

Profunt hoc nomine *gialapa, mechoacanna, gummi gutta, rhabarbarum, eximium* simul alterans & roborans, *agaricum trochiscatum*, horumque extracta & magisteria, *extr. belleb. nigri, trochisc. albandal, & dulc. elaterium, gratiola, soldanella, irix nostra*, quoad succum & feculam, *succus rad. ebuli*, laudatissima remedia, non neglecto tono ventriculi. Quod vero *crystallos De*, seu *Dam hydragogam* attinet, quamvis hinc inde commendetur, & data in pilulis ad g. iv. videatur operari mitius; cavendum tamen est, ne vel hæc ipsâ rodamus

intestina, & malum malo addamus, vel stimulemus fortius. *fulminans* speciatim in tympanitide commendatur, non minus tamen in reliquis valet. Ex his composita varia, pulveres, pilulas, electuaria & alia facile parare licet, pro lubitu, in his exercitato.

Non autem uno solo purgante res expediri potest, sed repetitione hinc opus est, ita tamen, ne excedamus, habito semper ad tolerantiam respectu. Hinc ex methodo medendi curatori interpolantur eadem cum alterantibus & aperientibus; sin secus procedamus, vel non extruditur materia peccans, vel facile colliquantur humores, & tonus viscerum labefactatur.

EMETICA intentione primariâ paulò rarius huc trahuntur, nisi quid urgeat; utiliter tamen pro acuendis purgantibus, pectore salvo, commiscentur, ut activitatem fortiantur majorem, sicque radix in primis viis hærens averruncetur felicius, depromptâ huc selectiori materiâ ex g. g. & *vita*, *Θe* *Θli* & horum apice *☿* *emetico*, *▽* *bened. Ruland. Radix asari* & exin præparata laudari merentur tum vomendi hoc usu, tum alterandi simul, ob aromaticam *λεπτομερῆαν* conjunctam.

DIURETICA summum sunt remedium, & maximè morbo conforme. Ea enim serum superfluum stagnans, & alioqui per urinam, tanquam viam ordinariam, amandandum, in motum cient, & ad excretionem per vias urinarias aptant; siue in M. S. adhuc exuperet idem serofus humor, siue deflectens à regiâ hâc viâ huc illuc in cavitates tendat. Conveniunt diuretica, seu renum culpâ, seu aliorum viscerum cumuletur lymphâ & ex suis vasis excidat, nec ad vias urinarias, nisi parcè, deflectat. Commendanda hinc salia fluorem debitum sero conciliantia, tum alcalia, tum acida, tum media, fixa & volatilia, ut *Θ* *absinth. geniste, cichorii, artemisie, ononidis, agrimonie*, *☿* *Θlatus. Cineres bufonum* hydropico cuidam ab uxore propriâ, pertesâ mariti, propinatos præter intentionem morbum per lotium sustulisse, autor est *Wierus in obs.*

Usitata magis sunt \ominus succini volat. ¶ ¶ ri \square nosus, Ra silicum Glauberi, Ra ¶ ri simpl. & composita, --- us aperitivus Penoti, --- us \ominus is, qui & sitim simul sedat, *clysmus* ¶ ii ¶ isatus, \triangle ratus, ¶ lis, arcan. ¶ ri simpl. & ¶ tiale, arcan. duplic. *Mynsicht*. *lixivium bened.* *Myns*. vel simplex quoque aliquod, & quæ alia ex ipsis specificis huc referri possunt. Optima enim hæc sunt aperientia simul, ut *rad. s. aper. maj. & min. infusa & decocta gran. cynosbat. juniperi, rad. ebulli*, magistralia vel euporista, & alia non laudemus pluribus.

Profunt magis diuretica præmissis purgantibus, selecta pro intemperie calidâ vel frigidâ, habitâ ratione ventriculi & urinæ ipsius. Aquosa verò, quæ dilutiora gerunt salia, ut acidulæ, sali nitroso vitriolico debentia virtutem, minus conveniunt, nisi forsan in adfuetis, hydrope calido, conjuncto robore ventriculi, ubi diluitio & temperatio salium requiritur, & aliis circumstantiis, unde *Dodonaus & Hærius* *Leodienfes* notant profuisse hydropicis, alii contrarium experti.

DIAPHORETICA in hydrope impropotionatum quidem videntur remedium, ob majorem feri extravasati copiam, & quod sudor difficilior ferè ex hydropicis eliciatur; attamen & illa vim attenuandi dissolvendique lympham in hoc morbo exerunt eximie, & naturæ monstrant viam aliam. Quin ea ipsa quandoque huc inclinatione quâdam fertur, ut si sudore spontaneo guttatim poros transiente curatum aliquoties memorat hydropicum *Barthol. c. 3. hist. 23*.

Profunt in ascite, halituositatem fœnerando lymphæ torpidæ. Profunt in anasarcâ, ubi in habitu corporis magis est vitium & specialius eadem indicat. Profunt in tympanitide, sunt enim simul carminativa, & diureticis ipsis symbolifantia. Laudanda ex his ¶ diaphor. bez. minerale, quod *Helmontius* omnem hydropem modestè tollere citrà metum recidivæ asserit; bez. ¶ tiale, *C. C. philosoph. conch. ppt. lap. S. ppt. ¶* nativa & ¶ ii, \ominus succin. vol. Ra bez. *M. S. infusum china, sarsap. ess. lign. rob sambuci, ebulli*, quod oppayayov est egregium, *theriaca Andromachi, & diaph.*

Sudationes quoque particulares se commendant, præmissis universalibus, uti thermarum usus, balnea laconica & vaporosa, affuso liquore appropriato in lateres candentes, ad partes affectas derivato fotu, non sunt de nihilo. Attamen cavendum est, ne partem reddamus calore nimio extraneo intemperatam, neque enim pelli vult & hic natura, quod fit *δυσφύεως* sæpe. Et sudore isto sæpe falluntur ægri, putantes, uvidam partem redditam ab exudante humore, quod vapor illuc appulso potius adscribendum. Olim quidam arenæ calidæ corpus immergebant, quod ut in regionibus calidioribus profuerit, ita apud nos inusitatum est, nec locum habet. Pedes verò seorsim furfuribus calidis immergere, vel sacculis ex fale & aliis euporistis licet, pro digestionem & transpirationem humoris aquosi promovendâ. In servire huic etiam potest decoct. fl. chamomillæ, fol. ebuli, sambuci, geran. Robert. chelid. maj. & aliorum. Tristia insuper memorantur exempla, ubi præposterâ curâ quidam ægros furno ferventi concreditos exanimis extraxerunt.

ALTERANTIA SPECIFICA ex parte tacta jam sunt, inter feri peccantis universalia præsidia; addi verò & horum loco haberi meritò debent, quæ tum servando viscerum robori, tum restaurando inserviunt, causæ simul debita, v. g. antiscorbutica, aperientia, hepatica, splenetica, carminativa, cordialia, stomachica, è suis scriniis huc arcessenda, uno verbo tonica, uno potiori, vel pluribus nominibus conspicua. Sic, modò calida vel frigida causa simul attendatur & distinguatur, masculè se gerunt fale volatili oleoso pollentia, illaque, quæ partium tenuitati roborantes particulas habent conjunctas, ut ex simplicibus v. g. *absinthium*, *rhabarbarum*, *anima hepatis dictum*, *centaurium minus*, *rosmarin.* *rad. vincetox.* Medicus quidam, teste Coitero, hydrope correptus ab eo multo ac diuturno *piperis* usu se ipsum liberavit, sed tandem in hecticam marasmoden incidit. Præstant reliquis *martialia*. Ex compositis spec. *diacinam.* *diaxyloal.* *arom.* *ros.* *caryoph.* *diatr. sandal.* *diarhod.* *Abbat.* *diagalang.* *pulv. cachecticus* *Æius*,
 ♀eus,

Æius, & *Ætiale cachectico*. *Ra* *Ætis cydoniata*, *Oris*, cum *arc.* **Æ**ris, *ess.* *Ætis* *Plata*, *elix. antiscorb.* *Ætiale*, *Ra* *corallorum*, *hepaticum rubrum Dresdense*, *crocus* *Ætis* *Platus*, *ebur sine igne ppt. arc. duplicat.* cum *Æio* *Ætial. cachect.*; *infusa hepatica & stomachica ex vincetox. zedoar. limat.* *Ætis*, *mixt. aperitiva, antiscorbutica, anthydropica*, *Ætri d. bals.* *Æ anifat.* *Æ ess. carminativ. thetiacalis balsamica.* & ex his aliisque componenda & maritanda invicem varia.

Inter **TOPICA** memoranda unguenta & linimenta, tum visceribus debita, tum partibus affectis. Sic profunt illo fine in partibus affectis aromatica, visceribus roborandis dicata, item emplastra hepatica, splenetica, de *Æco Foresti*, de *cicutâ*, *sandalinum*, *magneticum* &c. Hoc verò scopo fatus, immersiones, *emplastrum diaphoreticum*, *hydragogum August.* & alia laudantur.

Fimus bubulus vulgo decantatus est, quo olim Euripides hydrope correptus universum corpus illevit, sed indurato illo, rigentibus convulsisque membris, interiit, quod apud *Tatianum* legimus.

Sin ulcera minetur stillans ichor, vel gangrænam ipsam, *empl. de lap. calaminari*, *Ænina*, *diapomphol.* *album coctum*, *oppotel. doch* & *defensivum*, *unguent. de lithargyr. contr. ambusta* & hujus farinæ alia adhibenda. Ita tamen omnia ordinanda sunt, ut ad speciem & individua singula applicemus, & ægrum hunc illum cum ratione & consideratione status præsentis benè curemus, non neglectis symptomatibus urgentibus, siti, tussi, & similibus.

DIÆTA agmen claudit, probè ægris hujusmodi ante omnia fervanda. **IN VITALI AER** temperatus, vel calidus magis convenit; frigidus fugiendus, ne poris concentratis transpiratio sufflaminetur, lymphæque congestio & stagnatio onerosa sic augeatur.

IN NATURALI cavendi sunt **CIBI** *δυσπῆστοι*, crassi, viscosi, humidiores, infumati, saliti nimis & flatulenti. Eligendus contra ea ægris victus coctum facilius, siccus præ humido

mido, ut affata præ coctis, & mediocriter aromatibus & condimentis aliis gratior redditus. Cerevisia & vinum recentia, feculenta, vappida, mustum, & similia vitanda: bonæ autem notæ quæ sunt, præsertim medicata, diuretica, & pro siti moderandâ acidulata non deneganda.

Sunt ex numero illorum hydropici, quibus victus plenus minus, attenuans autem magis convenit. Cavenda hinc omnis inordinatio & excessus. Sique robur supersit ventriculi, reverenter id habeatur, ne serum accumuletur in corpore magis. Cumque abstinencia à potu multis auxilio fuerit, regulandus est idem pro virium, indigentia & depletionis modulo.

IN ANIMALI SOMNUS non fit excessivus, ne torporem augeamus & spirituum & humorum: nocet & diurnus. Vigiliæ moderatè se habeant.

IN MOTU & QUIETE iusta adsit temperatura, ille tamen præ hâc sùadendus, nam ignavia corpus hebetat, labor, saltem subiecto proportionatus, firmat. A venere abstinendum, ne balsamo suo depauperetur sanguis, & spiritus lassentur magis. ALVUS & vesica semper respondeat functionibus suis.

ANIMI PATHEMATA rationis freno moderanda, fugienda verò tristitia, timor, terror, ira & anomalix aliæ.

SOLI DEO GLORIA.

DEcumbit patiens: morbi pertasus anhelat
à medicis miserâ voce duobus opem.
Pernegat hic ullo medicamine posse juvari,
hic ait, innitens omine quisque suo.

Respiciens animum victor sic callidus infit:
Tu corpus, mentem perputo, litis agrum.
Decidens ager dubitantia dogmata victu
non benè composito concidit ante diem.

GÖCKELIUS monstrans, ut tolli pallidus hydrops
rite queat, capiti digna brabea parat.

*Honoris & affectus singularis
tesseram hanc ponit*

P R Æ S E S.